

## **Agape Ekriti - God's Love Letter Scriptures**

**Jan 15:9 Jan Papa a renmen m' lan, se konsa mwen renmen nou tou. Nou menm, se pou nou renmen menm jan mwen renmen nou an.**

**Ezayi 43:1 Nou menm, moun fanmi Jakòb yo, men sa Seyè a ap di nou koulye a, li menm ki te kreye nou an. Nou menm moun Izrayèl yo, men sa l'ap di nou, li menm ki te fè nou ak men I': -Nou pa bezwen pè anyen! M'ap toujou pwoteje nou. Se mwen menm ki te ban nou non nou pote a. Se pou mwen nou ye.**

**Jeremi 1:5 -Mwen te konnen ou anvan menm mwen te ba ou lavi nan vant manman ou. Mwen te mete ou apa pou mwen anvan menm ou te fèt. Mwen te chwazi ou pou ou te yon pwofèt pou nasyon yo.**

**Jan 15:16 Se pa nou ki chwazi m', se mwen menm ki chwazi nou, ki mete nou apa pou n' ale, pou n' ka donnen, pou donn nou ka konsève. Konsa, Papa a va ban nou nenpòt kisa n'a mande nan non mwen.**

**3 Jan 1:2 Gayis monchè, mwen swete tout bagay ap mache byen pou ou. Mwen swete ou an sante nan kò ou tankou ou an sante nan lespri ou.**

**Ezayi 43:4 M'ap bay tout moun lòt nasyon yo pou m' ka sove lavi nou, paske mwen konsidere nou anpil. Nou gen anpil valè pou mwen, mwen renmen nou anpil.**

**Jeremi 31:3 Byen Iwen, Seyè a te fè m' wè li. Li t'ap di: Nou menm moun pèp Izrayèl, mwen p'ap janm sispann renmen nou. Se poutèt sa m'ap toujou aji byen ak nou.**

**Oze 11:8 Nou menm moun Efrayim yo, kouman nou ta vle pou m' lage nou? Nou menm moun Izrayèl yo, kouman nou ta vle pou m' ta detwi nou tankou mwen te detwi lavi Adma? Kouman nou ta vle pou m' ta trete nou tankou mwen te trete lavil Zeboylim yo? Non! Mwen pa gen kè pou m' fè bagay konsa. Tout zantray mwen ap fè mwen mal pou nou.**

**Jan 3:16 Paske, Bondye sitèlman renmen lèzòm li bay sèl Pitit li a pou yo. Tout moun ki va mete konfyans yo nan li p'ap pedi lavi yo. Okontré y'a gen lavi ki p'ap janm fini an.**

**Ezayi 49:15,16 Seyè a reponn: -Eske yon manman ka bliye pitit l'ap bay tete a? Eske li ka pa sansib pou pitit li pote nan vant li a? Menm si yon manman ta rive bliye pitit li, mwen menm, mwen p'ap janm bliye nou! 16 Mwen ekri non nou nan pla men m'. Mwen toujou wè miray nou yo devan je m'.**

**Ezayi 41:13 Se mwen menm, Seyè a, ki Bondye nou! M'ap pran men nou, m'ap di nou: Nou pa bezwen pè. M'ap ede nou!**

**Matye 28:20 Moutre yo pou yo obsève tou sa mwen te ban nou lòd fè.**  
**Chonje sa byen: mwen la avèk nou toulejou, jouk sa kaba.**

**Jan 14:1 Jezi di yo: Pa kite bagay sa yo toumante nou. Mete konfyans nou nan Bondye, mete konfyans nou nan mwen tou.**

**Ezayi 41:14 Nou menm fanmi Jakòb yo, moun Izrayèl yo, nou te mèt piti tankou yon vètè, fèb tankou yon cheni, nou pa bezwen pè. Se mwen menm k'ap ede nou, mwen menm, Bondye pèp Izrayèl la, ki yon Bondye apa. Se mwen menm k'ap delivre nou. Se Seyè a menm ki di sa!**

**Ezayi 43:2 Lè n'ap pase sou lanmè, m'ap kanpe la avèk nou. Lè n'ap janbe gwo dlo, dlo a p'ap bwote nou ale. Lè n'ap mache nan mitan dife, dife p'ap boule nou. Flanm dife a p'ap fè nou anyen.**

**Sòm Yo 23:1-6 Se yon sòm David. Seyè a se gadò mwen, mwen p'ap janm manke anyen. 2 Kote zèb yo pi bèl, se la li fè m' pran repo. Kote dlo a koule poze, se la li mennen m' bwè. 3 Li fè m' reprann fòs. Li fè m' mache nan chemen dwat, pou sa sèvi yon Iwanj pou non li. 4 Menm si m'ap pase nan yon ravin kote ki fè nwa anpil, mwen p'ap pè anyen, paske, Seyè, ou la avèk mwen. Se baton ou ak gòl ou ki fè kè m' pa kase. 5 Ou pare yon tab pou mwen devan je tout lènmi m' yo. Ou resevwa m', ou fè kè m' kontan ou ban m' tou sa m' bezwen. 6 Wi, mwen konnen w'ap toujou renmen m', w'ap toujou bon pou mwen pandan tout lavi m'. Se lakay ou m'ap rete tout tan tout tan.**

**Jan 14:27 M'ap ban nou kè poze. M'ap fè kè nou poze nan jan pa mwen. Mwen p'ap fè li pou nou jan sa fèt dapre prensip ki nan lemonn. Pa kite anyen toumante tèt nou, nou pa bezwen pè.**

**Filip 4:7 Konsa, Bondye va ban nou kè poze nan jan pa l', bagay lèzòm pa ka konprann; la kenbe kè nou ak lespri nou fèm nan Jezikri.**

**PwovŠb 3:24 Lè ou pral kouche, ou p'ap pè anyen. Lè w'a fin lonje kò ou, w'a dòmi nèt ale.**

**Sòm Yo 4:9 Mwen moute kabann mwen ak kè poze. Kou m' kouche, dòmi pran m'. Seyè, se ou menm sèl ki p'ap janm kite anyen rive m'.**

**Sòm Yo 33:18 Seyè a ap veye sou moun ki gen krentif pou li. L'ap veye sou moun ki met espwa yo nan li paske yo konnen li renmen yo.**

**Wòm 5:2 Paske nou gen konfyans nan li, Jezi fè nou antre nan favè Bondye. Epi n'ap kenbe fèm kote nou kanpe a. Nou pa manke kontan paske nou gen espwa resevwa pa nou nan pouvwa Bondye a ansanm avèk li.**

**Ezayi 55:12 N'a kite lavil Babilòn ak kè kontan. Y'a mennen nou tounen lakay nou ak kè poze. Gwo mòn yo ak ti mòn yo va pran chante pou nou sitèlman y'a kontan. Tout pyebwa nan plenn yo va bat bravo pou nou!**

**Jan 16:22 Konsa tou, koulye a nou nan lapenn. Men, mwen gen pou m' wè nou ankò. Lè sa a, kè nou pral kontan, pesonn p'ap ka wete kontantman**

**sa a nan kè nou.**

**Lik 12:9 Men, moun ki va di devan lèzòm li pa konnen m', mwen menm,  
Moun Bondye voye nan lachè a, m'a kanpe devan zanj Bondye yo tou m'a  
di mwen pa konnen l'.**

**Matye 10:30 Pou nou menm menm, ata gress cheve nan tèt nou, yo tout  
kontakte.**

**Ezayi 54:10 Ou te mèt wè mòn yo ap souke, ti mòn yo ap tranble, mwen  
p'ap janm sispann renmen ou. M'ap toujou kenbe kontra mwen te pase  
pou m' te toujou byen avè ou la. Se Seyè ki renmen ou lan ki di ou sa.**

**Matye 11:28 Vini jwenn mwen, nou tout ki bouke, nou tout ki anba chay, m'a  
soulaje nou.**

**Pi Bèl Chante A 2:10 Mennaj mwen pale avè m', li di m': Vini non, anmòrèz  
mwen! Ann al avè m' non, bèl nègès mwen!**

**Oze 2:14 Se poutèt sa, mwen pral mennen l' nan dezè a ankò. Mwen pral  
pale dous avè l', pou l' ka tounen vin jwenn mwen.**

**Oze 2:19,20 Izrayèl, m'ap pran angajman pou m' viv avè ou pou tout tan,  
m'ap toujou respekte ou, m'ap toujou kenbe pawòl mwen avè ou. M'ap  
toujou renmen ou, m'ap toujou gen pitye pou ou. 20 M'ap kenbe pwomès  
mwen, w'ap pou mwen nèt. Konsa, w'a konnen ki moun mwen menm,  
Seyè a, mwen ye.**

**Egzòd 3:14 Bondye di Moyiz: –Sa m' ye a se sa m' ye. Apre sa li di ankò: –  
W'a pale ak moun pèp Izrayèl yo, w'a di yo konsa: Mwen menm ki rele sa  
m' ye a, se mwen menm ki voye ou bò kote yo.**

**Oze 13:4 Seyè a di ankò: Se mwen menm ki Seyè a, Bondye ou la. Se mwen  
menm ki te fè soti kite peyi Lejip. Ou pa konn lòt bondye pase mwen  
menm. Se mwen menm ase ki ka sove ou.**

**Jan 15:14 Nou tout, se zanmi m' nou ye depi nou fè sa m' mande nou fè.**

**Revelasyon 3:20 Koute. Men mwen kanpe la devan pòt la, m'ap frape. Si yon  
moun tande vwa m', si l' louvri pòt la ban mwen, m'a antre lakay li, m'a  
manje ansanm avè l', la manje ansanm avèk mwen.**